

洞天眞月日眞月日蟾宮裏面擎紅日

贈孫姑

奉勸孫姑修大道時時只把心田掃殺了三尸并六耗無煩惱  
常清常淨知玄奧 休問異名爐與竈沖和上下通顛倒鉛汞  
自然成至寶非常好霞光簇捧歸蓬島

贈眾師兄

奉勸同流聽子細斷葷戒酒全容易不戀浮財渾小事深可畏  
輕輕觸著無明起 大抵色心難拚棄筭來斷制須由你便把  
如讎如活鬼宜遠離至於夢寐須迴避

又

道藏輯要

漸悟集

四

胃集七

叮囑庖人常作善慇懃供養人休倦莫把煎湯傾地面攤涼冷  
恐傷蟲蟻行方便 日用柴薪菹米麵無拋無撒無奢儉內外  
淨清忘俗念眞堪羨將來決得居仙院

又

牛駕重車逢惡路柰人不顧艱難處加力用鞭鞭不住鞭不住  
牛兒忽作人言語 你爲養家予受苦我今憐汝須詞訴你若  
今生心不悟心不悟我身便是將來汝

柳梢青

和古詞韻二首

悟箇不生不滅更不肯拈花摘葉忻則高歌醉眠芳草夢遊仙